

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. IV. Secunda difficultas resolvitur, & præcipua inter peccatum mortale & veniale discrimina exponuntur

[urn:nbn:de:hbz:466:1-77355](#)

DISPV TATIO NONA

474

qua noluit illud sub mortali prohibere.

19. Respondeo concessio Antecedente , negando consequentiam : Tum quia si hic discursus valeret , probaret non esse ex natura rei , sed ex divina solùm benignitate & misericordia , quod actus indifferens , v. g. manducatio pomì , mortem & pœnam aeternam non inferat ; quia Deus ex absoluto dominio potuisse hunc actum sub mortali prohibere , in quo casu qui scienter & liberè illum eliceret , peccare mortaliter ; sicut de facto Adamus lethaler deliquerit , cùm potum vetitum comedit : Tum etiam quia ad discernendum an aliquod peccatum de se & ex natura sua sit veniale aut mortale , non est attendendum an Deus possit de absoluta potentia illud prohibere sub veniali aut mortali , sed an ipsa peccata , attentâ eorum naturâ , & materiâ circa quam versantur , ita prohiberi postulent.

20. Objicies quinto : Offensa infinita metetur de se & ab intrinseco pœnam aeternam , & secundum durationem infinitam : Sed peccatum veniale est offensa infinita , cùm per illud offendatur Deus , qui infinitus est . Unde Bernardus Epist. ad Henricum Archiepiscopum Senonensem : Singuli illiciti motus animi mei ; sunt quedam in te Deus convisia ; puta iracundie motus , in mansuetudinem tuam ; inuidie , in charitatem ; turpitudinis , in castitatem ; & innumeris his similiis , qua de censo lacu pruriens pectoris mei , etiam nunc incessanter ebulliunt , inundantes , & impingentes in serenitatem prefulgentis vultus tui : Ergo de se & ab intrinseco pœnam aeternam meretur ; subindeque non habet ex levitate sua intrinseca quod veniale sit , sed tantum ex divina lege & misericordia , qua puniens illud citra condignum , talem pœnam ei non imputat.

Respondeo concessio Majori , negando Minorem ; licet enim peccatum veniale sit offensa Dei infiniti , non tamen est offensa infinita , sicut peccatum mortale , quia non offendit illum simpliciter , tollendo ab eodem rationem ultimi finis secundum affectum , sicut culpa mortalis ; sed tantum secundum quid , divertendo hominem ab illo , quatenus diligit aliquod obiectum creatum praeter ordinem ultimi finis , utmagis infra patet.

S. IV.

Secunda difficultas resolvitur , & principia inter peccatum mortale & veniale discrimina exponuntur.

Dico secundum , peccatum mortale non distinguiri à veniali , per hoc quod illud sit contra præceptum , istud verò solùm contra consilium.

22. Probatur primò : De ratione omnis peccati est quod sit violatio alicujus obligationis , & transgressio alicujus legis ; ubi enim non est lex , neque prevaricatio esse potest : At consilium , præcisè ut tale , non inducit obligationem , neque habet vim legis , sed proponitur nobis ut omnino liberè amplectendum : Ergo cùm peccatum veniale sit verum peccatum , non sufficit ad ejus rationem oppositio ad consilium.

23. Probatur secundò : De ratione peccati venialis est quod sit malum moraliter : At quod est contra consilium , non est malum moraliter , sed potest esse bonum ; cùm consilium sit de meliori bono , subindeque quod ipsi opponitur sit minus bonum : Ergo quod est contra consilium , non est veniale peccatum.

A Confirmatur : Qui manet in sæculo , & uxorem dicit , facit contra consilia evangelica , & tamen non peccat , etiam venialiter , juxta illud Apostoli i. ad Corinth. 7. Si autem acceperis uxorem , non peccasti , & si nupserit virgo , non peccavisti : Ergo facere contra consilium , non est peccatum , etiam veniale.

Dico tertio , inter peccatum mortale & veniale quinque præcipua reperiendi discrimina.

Probatur conclusio , illa discrimina exponendo . Primum consistit in eo quod peccatum mortale opponitur gratiae & charitati , destruitque illas ; veniale verò solùm opponitur charitatis fervori , & neque ipsam charitatem , neque gratiam corrumpit . Hoc discrimen assignat S. Thomas qu. 7. de malo art. 1. his verbis : Si charitas excludatur , est peccatum mortale : si autem sit talis defectus rectitudinis qui charitatem non excludat , erit peccatum veniale . Hinc denominatio illa mortalis & venialis defumitur : cùm enim charitas , quâ anima Deo conjungitur , sit veluti forma quâ vivit vita supernaturali , peccatum quod illam destruit , recte mortale dicitur , utope causans mortem spiritualem in anima ; illud verò quod eam relinquunt in subiecto , veniale appellatur , quia non excludit principium veniae , sed relinquunt in subiecto aliquid per quod eam potest obtinere . Hanc differentiam tangit D. Augustinus serm. 5. de verbis Domini , ubi sic ait : Sicut anima est vita corporis , sic anima vita est Deus . Sicut exspirat corpus cum animam emittit , ita exspirat anima cum Deum amittit . Deus amissus , mors anima : anima emissa , mors corporis .

Secundum discrimen in eo situm est , quod peccatum mortale importat defectum ordinis ad ultimum finem , seu aversionem & deordinationem ab ultimo fine ; venialis verò habent deordinationem circa ea quae sunt ad finem , conservato ordine ad ultimum finem . Quod discrimen oritur ex precedenti : nam cùm charitas sit que convertit seu ordinat hominem in ultimum finem , consequens est ut peccatum quod charitatem dividit , avertat & deordinet ab ultimo fine ; illud verò quod eam non expellit , talem aversionem & deordinationem non causet .

Ex hoc discrimine sequitur aliud , nempe quod mortale inordinationem irreparabilem inducat , non tamen veniale . Nam ut discirrit D. Thomas hic art. 1. ultimus finis in moralibus est sicut primum principium in speculativis : unde sicut error circa prima principia est incorrigibilis , seu irreparabilis ; ita peccatum quod inducit aversionem ab ultimo fine , reparari nequit per aliquid principium intrinsecum , sed solùm per virtutem divinam : econtra verò illud quod non importat inordinationem à fine , sed tantum à mediis , reparari potest per aliquid principium intrinsecum , scilicet per rectam intentionem finis ; sicut error circa conclusiones corrigi potest ex recta cognitione principij .

Ex quo oritur quartum discrimen , consistens in eo quod peccatum mortale inducit reatum pœnae aeternæ ; veniale autem pœnam solùm temporalem meretur . Ut enim idem S. Doctor qu. præcedenti art. 3. & 6. ratiocinatur : peccatum ex hoc inducit reatum pœnae , quod pervertit ordinem divinæ justitiae : unde illud pœnam aeternam meretur , quod inordinationem quantum est de se irreparabilem , subindeque aeternam importat ; illud verò meretur pœnam temporalem , quod dicit inordinationem ab

intrinseco reparabilem, proindeque de se transitoriam & temporalem.

29. Ultima differentia, quam assignat D. Thomas hic art. 1. ad 1. & 2. 2. qu. 105. art. 1. consistit in quod peccatum mortale simpliciter est contra legem, & veniale prater legem, seu contra legem secundum quid. Ut autem verificetur aliquem actum esse contra legem simpliciter, duo requiruntur: primum est, quod lex cui opponitur, sit de numero illarum quae simpliciter leges vocantur, eò quod omnino necessaria sunt ad finem ultimum asecundum; quae asecutio est praecipuus & veluti substantialis legis effectus: secundum, quod talis actus simpliciter tendat contra talē legem, seu simpliciter illam transgrediat: nam lex simpliciter, positum in ista differentia, afficit tam modum effendi contra legem, quam legem ipsam; atque adeo ex cuiuscumque parte deficit, à ratione culpæ mortalis deficit. Ceterum ut verificetur esse contra legem secundum quid, satis est quod unum illorum deficit, atque adeo quod vel lex non sit simpliciter necessaria ad finis ultimi asecutionem, vel quod actus non violet simpliciter tam legem, neque simpliciter ei opponatur. Ex primo capite deficient à ratione peccati mortalis omnia illa quae dicimus venialia ex genere, ut mendacium jocosum, verbum otiosum, superfluous ludus, &c. quia leges quibus ista prohibentur, non sunt leges simpliciter, & ut ita dicam substantiales, eò quod illarum observatione ad finem ultimum consequendum non sit simpliciter necessaria. Ex secundo vero capite deficient à ratione mortalis cetera omnia, que vel ob parvitatem materiae, vel ob defectum plenæ deliberationis, venialis vocamus, ut furtum rei parvae, & motus contra fidem non plenè deliberatus: quamvis enim leges quibus hæc peccata opponuntur, sunt leges simpliciter, & simpliciter necessaria ad finem ultimum consequendum, non tamen simpliciter violantur per talia peccata, neque hæc simpliciter illis contrariantur. Non enim lex iustitiae, que prohibet rei alienæ conceptionem, simpliciter violari dicitur per unius pomì vel ovi conceptionem, ob levitatem materiae: nec si materia sit gravis, per actum non simpliciter liberum: quia sicut leges solis agentibus liberis imponuntur, ita ab iis solùm violari censetur, qui libetè simpliciter operantur.

30. Hanc ultimam differentiam inter assignatas existimo esse praecipuum & quasi primariam: tum quia primò & immediatius convenit peccato, cui ex sua communi ratione per se primò convenient esse aliquo modo contra legem; atque adeo esse contra legem simpliciter, vel tantum secundum quid, primariò & per se illi advenit: sicut quia animal secundum suam communem & genericam rationem est vivens sensibile, nulla differentia priùs illi advenit, aut magis se habet per se, quam talis vel talis modus sentiendi. Tum etiam, quia aliqua ex differentiis assignatis extrinsecè sunt & a posteriori, seu ex effectibus peccati mortalis & venialis, subindeque differentiam constitutivam & distinctivam illorum adinvicem supponunt. Unde S. Thomas qu. 7. de malo art. 1. cùm dixisset, quod peccatum morta-

le & veniale differunt secundum reatum; nam peccatum mortale meretur pœnam æternam, veniale verò temporalem, subdit: Sed ista differentia consequitur rationem peccati mortalis & venialis, non autem constituit ipsum: non enim ex hoc est tale peccatum, quia talis pœna ei debetur, sed potius è converso, quia peccatum est tale, ideo talis pena ei debetur. Similiter etiam differunt quantum ad effectum: nam peccatum mortale privat gratiā; veniale verò non. Sed neque ista est differentia quam quarimus, quia ista differentia consequitur ad rationem peccati: ex eo enim quod peccatum est tale, talem effectum habet, & non è converso.

Advertendum tamen est, quod si ly excludere charitatem, non significet auferre habitum charitatis (quod est peccati mortalis effectus, sicut & private gratia sanctificante) sed significet facere aliquid contrarium charitati Dei vel proximi, ex qua universa lex pendet, ut dicitur Matth. 22. & quæ est finis præcepti, ut testatur Apostolus 1. ad Timoth. 1. differentia illa est essentialis, & à priori, & coincidit cum ultima, quam diximus esse præcipuum. Si autem queraras, quænam peccata contrariantur charitati Dei & proximi?

Respondeo cum D. Thoma loco citato, illa esse per quæ tollitur subjectio & reverentia hominis ad Deum, ut est blasphemia, idolatria, & bujusmodi. Et etiam ea quæ tollunt concordium societas humana, sicut furum, homicidium, & bujusmodi. Unde idem S. Doctor in 2. dist. 42. qu. 1. art. 4. sic ait: Quando aliquis peccat in his, sine quibus rectè servatis non remanet subjectio hominis ad Deum, & fadus humanae societatis, tunc est peccatum mortale ex genere.... sicut patet quod non potest homo debiti Deo esse subjectus, si Deo non credat, si ei non obediatur, & bujusmodi. Similiter etiam societas humana vite servari non posset, nisi unicuique servaretur quod suum est: & idèo furum, & alie species injuria, sunt peccata mortalia ex genere: & similiter est in omnibus aliis. Ea vero sine quibus societas humana servari potest, non faciunt peccatum esse mortale ex genere, quamvis etiam deformis actus sit: sicut superfluous ludus, & aliquid bujusmodi: & talia dicuntur venialia ex genere.

S. V.

Corollaria precedentis doctrine:

Ex dictis de differentia inter mortale & veniale facile colligi possunt cetera quæ docet D. Thomas qu. 88. Ex his enim inferes primò, natalitiam peccati mortalis & malitiam venialis essentialiter & specie inter se differre, subindeque divisionem peccati in mortale & veniale esse essentialiem, si illa considerentur in ratione peccati, seu mali moralis formaliter. Patet hoc corollarium ex dictis: Nam, ut supra ostendimus, inordinatio & malitia peccati mortalis pertingit usque ad finem, & ipsum destruit; inordinatio verò seu malitia peccati venialis, non pertingit usque ad finem, sed sicut in ipsis mediis, que peccans non refert actualiter ad finem, sed duntaxat habitualiter, ut infra dicemus: Atqui inordinatio & malitia pertingens ad finem, essentialiter & specie differt ab illa quæ sicut in mediis, & quæ usque ad finem non pertingit: Ergo malitia peccati mortalis essentialiter & specie differt à malitia peccati venialis.

Qoo ij